

ՓԻԼԻՍՈՓԱՅՈՒԹՅԱՆ ԵՎ ԻՐԱՎՈՒՆՔԻ ԻՆՍՏԻՏՈՒՏ

Ս. Ս. ԲՈՎՍԱՆՅԱՆ

*Փիլիսոփայության և իրավունքի ինստիտուտի գերեկտոր,
Փիլիսոփայական գիտությունների թեկնածու*

Գ. Հ. ԴՐԻՒՈՐՅԱՆ

Փիլիսոփայական գիտությունների թեկնածու

Ինստիտուտը ստեղծվել է ԳԱ փիլիսոփայության և իրավունքի սեկտորի հիման վրա, որը զարգացման ֆառորդարյա ուղի էր անցել արդեն և ֆանսկայես ու որակապես նախապատրաստված էր ալդպիսի վերակառուցման համար:

Փիլիսոփայական այս հաստատության պատմությունն սկսվում է 1943 թ. երբ ԳԱ պատմության ինստիտուտի կազմում հիմնվում է նաև փիլիսոփայության սեկտոր: 1945 թ. սեկտորն անջատվում է պատմության ինստիտուտից և դառնում ԳԱ հասարակական գիտությունների բաժանմունքի ներակա առանձին գիտական հաստատություն: Մինչև 1950 թ. սեկտորի կազմը շատ փոքրալիվ էր՝ բնյամենր 4—ն գիտաշխատող: Սեկտորն սկսում է մեծանալ հիմնականում 1951—52 թթ., ի հաշիվ նորավարտ ասպիրանտների: Նրիտասարդ կադրերի ներհոսքը ընդարձակում է նաև գիտահետազոտական աշխատանքների պրոբլեմներն ու բեմաները: 1959 թ. փիլիսոփայության սեկտորում ստեղծվում է իրավունքի իումբ և այդ կապակցությամբ սեկտորը վերանվանվում է «Փիլիսոփայության և իրավունքի սեկտոր»: 1964 թ. ԳԱ նախագահությունը հաստատում է սեկտորի կառուցվածքը, որն ընդգրկում էր դիալեկտիկական մատերիալիզմի և բնագիտության փիլիսոփայական հարցերի, պատմական մատերիալիզմի և գիտական կոմունիզմի, փիլիսոփայության պատմության, էսթետիկայի, իրավունքի խմբերը: Այս խմբերը, 1969 թ. փիլիսոփայության և իրավունքի սեկտորն ինստիտուտի վերակառուցելու ժամանակ, հիմք ծառայեցին ինստիտուտի համապատասխան բաժիններն ստեղծելիս: Լրացուցիչ ստեղծվեց կոնկրետ սոցիոլոգիական հետազոտությունների բաժին և նախատեսվում է հետագայում ստեղծել հոգեբանության բաժին:

Փիլիսոփայության սեկտորի ստեղծումը և նրա հետագա աճը մեծ շափով նպաստեց Հայաստանում փիլիսոփայության պրոբլեմների սիստեմատիկ հետազոտությանը: Կարհ ժամանակամիջոցում այդ հաստատությունը դարձավ փիլիսոփայական, հետագայում նաև իրավագիտական, մոֆի հանաշված կենտրոն: Ինստիտուտն այժմ ունի ավելի ֆան 60 աշխատակից, որոնցից 25-ը գիտության դոկտորներ ու թեկնածուներ են: Ակադեմիայի փիլիսոփայական հաստատությունն իր գոյության տարիներին հրատարակել է մոտ 70 անուն մեկագրություններ ու ժողովածուներ նվիրված դիալեկտիկական ու պատմական մատերիալիզմի, բնագիտության փիլիսոփայական հարցերին, փիլիսոփայության պատմության, տրամաբանության, էթիկայի, էսթետիկայի, աթեիզմի, իրավունքի պրոբլեմներին և բուրժուական փիլիսոփայության ֆենադատությանը:

Դիալեկտիկական մատերիալիզմի պրոբլեմներից առավել շափով ուսումնասիրվել են իմացության պրոցեսի հետ առնչվող խնդիրներ և հրատարակվել են մի շարք հետաքրքրական հետազոտություններ՝ օրինակ, Հ. Ա. Գևորգյանի «Իմացության մեջ արստրակցիայի դերի մասին», «Հիպոթեզը և նրա դերը գիտության մեջ», «Հավանական և հավաստի գիտելիք», Լ. Հ. Աբրահամյանի «Ագլարեր 11—7

ղանշան և պայմանական ռեֆլեքս», «Նշանների տեսության իմացաբանական պրոբլեմներ» աշխատությունները: Մենագրական աշխատանքներ են հրատարակվել նաև ազնոստիցիզմի էության և բնույթի բացահայտման (Ա. Մ. Էկմալյան) և սոֆիստիկայի բնույթի (Վ. Գ. Օսիպովա) վերաբերյալ: Վերջին տարիներս մի խումբ գիտաշխատողներ Հ. Գևորգյանի ղեկավարությամբ սկսել են ուսումնասիրել գիտության տրամաբանության և մեթոդոլոգիայի պրոբլեմը: Արդեն հրատարակվել է «Գիտական իմացության տրամաբանական վերլուծության փիլիսոփայական հարցեր» ժողովածուի առաջին պրակը և պատրաստվում է երկրորդը: Դիալեկտիկայի կատեգորիաներից ուսումնասիրության քեման են դուրձել հնարավորության և իրականության (Վ. Բ. Վարդապետյան), բացասման բացասումի (Լ. Հ. Աբրահամյան) ու պատհաս և նպատակ (Վ. Խ. Բաղդասարյան) կատեգորիաները:

Քննադատության փիլիսոփայական հարցերից հրատարակվել է երկու աշխատանք՝ «Տարածության և ժամանակի պրոբլեմը հարաբերականության տեսության լույսի տակ» ու «Մաթեմատիկական և իրականությունը» (Ա. Հ. Ավետիսյան): Երկու աշխատանք է հրատարակվել նաև նվիրված մաթեմատիկական տրամաբանությանը. դրանք են՝ Դ. Ա. Բրուտյանի «Մաթեմատիկական տրամաբանության փիլիսոփայական ներածություն» և Ս. Հ. Ավետիսյանի «Մաթեմատիկական տրամաբանության հիմնական տարրերը» աշխատանքները:

Պատմական մատերիալիզմի հարցեր լուսաբանող հրատարակություններից պետք է հիշատակել Խ. Ն. Մոմջյանի «Լաֆարգը և մարքսիստական տեսության մի փանի հարցեր», «Սոցիալիստական հասարակությունը և մասսաների ստեղծագործական ակտիվությունը», Ա. Մ. Ոսկունյանի «Աշխարհագրական միջավայրի դերի մասին հասարակության զարգացման մեջ», Մ. Ա. Դանիելյանի «Մտավոր և ֆիզիկական աշխատանքի հակադրության մասին», Ս. Ս. Թովմասյանի «Աշխատանք և տեխնիկա», Ա. Մ. Թելունցի «Սոցիալիստական հասարակության մեջ գիտության զարգացման պայմաններն ու սոցալնաֆալկությունները», Է. Ս. Մարգարյանի «Լուստուրայի տեսության ուրվագծեր», Մ. Հ. Անտոնյանի «Սոցիալիզմի ժամանակ օբյեկտիվ պայմանների և սուբյեկտիվ գործոնի փոխհարաբերությունը» մենագրությունները:

Իր գոյության տարիների ընթացքում փիլիսոփայական հաստատությունը լուրջ նվաճումների է հասել փիլիսոփայության պատմության և հատկապես հայ փիլիսոփայական ու հուսարակական-ֆալստական միտքի լուսաբանելու բնագավառում: Մենագրություններ են հրատարակվել նվիրված միջնադարյան հայ ակադավոր մտածողներ Եզնիկ Կողբացու, Դավիթ Անհաղթի փիլիսոփայությանը (Վ. Կ. Ջալոյան), Անանիա Շիրակացու աշխարհայացքին (Գ. Տ. Խրիստյան), Հովհաննես Սարկավագի, Հովհաննես Երզնկացու, Վահրամ Բաբունու (Գ. Հ. Գրիգորյան), ինչպես նաև Գրիգոր Տաթևացու փիլիսոփայական հայացքներին (Ս. Ս. Արևշատյան): Հրատարակվել են Վ. Կ. Ջալոյանի «Հայ փիլիսոփայության պատմություն», «Հայկական ռենեսանս» ուղագրավ աշխատանքները: Նոր ժամանակների հայ հասարակական գործիչներից ու մտավորականներից ֆենության առարկա են հանդիսացել XVIII դ. հայ ազատագրական շարժման երկայացուցիչներ Հովսեփ Էմինի, Շահամիր Շահամիրյանի, Մովսես Բաղրամյանի, ինչպես նաև Մեսրոպ Թադիաղյանի (Գ. Հ. Գրիգորյան), Արսեն Բագրատունու, Անառն Գարսգալյանի, Նահապետ Ռուսինյանի (Ա. Մ. Թևոսյան) և ուրիշների հայացքները: Ուսումնասիրություններ են հրատարակվել նաև հայ

իրականության մեջ մարսիզմ-լենինիզմի գաղափարների տարածման ու անվանի հայ մարսիստների վերաբերյալ (Լ. Ն. Աբրահամյան, Յա. Ի. Խաչիկյան): Նշանակալի նվաճումներ կան հայ փիլիսոփայական մտքի ակնառու ներկայացուցիչների աշխատությունների գիտական հրատարակության գործում: Առ այսօր բնագրով, կամ ռուսերեն թարգմանությամբ (կամ երկուսը համատեղ) լույս են տեսել Նզինկ Կոդրացու, Դավիթ Անհաղթի, Հովհան Որոտնեցու, Իսախան Կոստանդյանի աշխատանքները:

Սիստեմատիկ հետազոտություններ են տարվել նաև էսթետիկայի բնագավառում: Ուսումնասիրություններ են հրատարակվել նվիրված արվեստի ուսուղծագործությունների գնահատման օբյեկտիվ շափանիշների (Ս. Ս. Թովմասյան), արվեստի նաեաշողական նշանակության հարցերին, արստրակցիոնիզմի բնագատությանը (Յա. Ի. Խաչիկյան), ինչպես նաև լույս է ընծայվել էսթետիկայի հարցերին նվիրված ժողովածու: Աշխատանքներ են տարվում (Յա. Ի. Խաչիկյանի ղեկավարությամբ) նաև հայ էսթետիկական մտքի սիստեմատիկ պատմությունը շարադրելու ուղղությամբ: Ուսումնասիրություններ են հրատարակվել նվիրված Մ. Նալբանդյանի (Ժ. Ս. Ստեփանյան), Ստ. Պալասանյանի (Ս. Ս. Թովմասյան) և այլոց էսթետիկական հայացքների բացահայտմանը:

Մի շարք աշխատանքներ են հրատարակվել նվիրված բուրժուական փիլիսոփայության և սոցիոլոգիայի բնագատությանը, որոնցից պետք է հիշատակել Դ. Ա. Բրուտյանի «Ընդհանուր սեմանտիկայի իմացության տեսությունը», Հ. Դ. Ասլանյանի «Առաջադիմության գաղափարը բուրժուական պատմափիլիսոփայության մեջ», Է. Ս. Մարգարյանի «Լոկալ քաղաքակրթությունների կոնցկացիայի մասին», Ս. Դ. Ալախվերդյանի «Նեոպոզիտիվիզմը ժամանակակից սոցիոլոգիայում» աշխատանքները:

Աթեիզմի հարցերին են նվիրված Վ. Ղ. Սևյանի «Կոմունիստական և կրոնական բարոյականության հակադրությունը», Թ. Ս. Իսայանի «Գերցենի արեիզմը», «Կոսմոգոնիան կրոնի դեմ» և «Քրիստոնեական սոցիալիզմի» ռեակցիոն էությունը» աշխատանքները:

Իրավաբանության ասպարեզում աշխատանքներն ընթացել են հիմնականում երկու ուղղությամբ. սովետական հանրապետությունների ազգային-պետականությունների կառուցվածքը և բրեական իրավունքի հետ կապված խրնդիրները: Հրատարակվել են Ա. Զ. Բեգյանի «Սովետական հայկական պետության կազմավորումն ու ամրապնդումը» և «Սովետական պետականության զարգացումը Հայաստանում», Ս. Ս. Մամյանի «Ժողովրդական դատարանի դաստիարակիչ դերը» և «Նախաբնություն և հետաբնություն» աշխատանքները, ինչպես նաև Ս. Ս. Մամյանի և Կ. Ա. Լալայանի համատեղ աշխատանքը նվիրված դիտավորյալ սպանությունների և դրանց դեմ պայքարի միջոցների խնդրին:

Փիլիսոփայությանը և իրավաբանությանը վերաբերող վերոհիշյալ մենագրական հետազոտություններից բացի, ՊԱ փիլիսոփայական հաստատության գիտական աշխատողները բազմաթիվ հողվածներ են հրատարակել ինչպես տեղական, այնպես էլ միութենական պարբերականներում: Նրանք ակտիվորեն մասնակցել են համամիութենական այնպիսի հրատարակությունների, ինչպիսիք են համաշխարհային փիլիսոփայության պատմության, ՍՍՀՄ ժողովուրդների փիլիսոփայության պատմության, էսթետիկայի պատմության և այլ

բազմահաառնականների, սովետական մեծ ու փոքր և փիլիսոփայական հանրագիտարանների և այլ բնույթի գիտական հրատարակությունների աշխատանքներին:

Իր գոյության տարիների ընթացքում փիլիսոփայական հաստատությունը լուրջ աշխատանքներ է ծավալել փիլիսոփայության և իրավագիտության բնագավառներում կադրեր պատրաստելու ուղղությամբ: Բավական է նշել, որ այսօր փիլիսոփայության և իրավունքի ինստիտուտում աշխատող գիտությունների թեկնածուի և դոկտորի կոչում ունեցող գիտաշխատողների ճշգրտ մեծամասնությունը ահել ու գիտական կոչում են ստացել ինստիտուտի ներսում: Ինստիտուտի ահեցրած գիտական շատիհան ունեցող կադրերը, որոնց թիվը մոտ չորս տասնյակի է հասնում, այսօր հաջողությամբ աշխատում են ոչ միայն մեր հանրապետության, այլև Միության բազմաթիվ քաղաքներում: Բացի այդ, ինստիտուտը քննարկել ու պաշտպանության է երաշխավորել բազմաթիվ թեկնածուական, ինչպես նաև դոկտորական դիսերտացիաներ:

Գիտահետազոտական աշխատանքների քաղաքարական-աեսական մակարդակը բարձրացնելու և հետազոտվող պրոբլեմների հաջող լուսաբանման նպատակով հանրապետության, ինչպես նաև Միության փիլիսոփայական հիմնարկների հետ համատեղ կազմակերպվել են մի շարք գիտական նստաշրջաններ, ընդլայնված նիստեր: Գիտական նստաշրջան է գումարվել նվիրված Հայաստանում վերածնության հարցին, Անդրկովկասյան ժողովուրդների փիլիսոփայական ու հասարակական-քաղաքական մտքի պատմության հարցերին՝ Անդրկովկասի հանրապետությունների փիլիսոփաների մասնակցությամբ, դիալեկտիկական մատերիալիզմի և ժամանակակից բնագիտության պրոբլեմներին, որին մասնակցում էին մեր հանրապետության բնական գիտությունների տարբեր բնագավառների ներկայացուցիչներ: Նստաշրջան է գումարվել նաև բուրժուական փիլիսոփայության քննադատության, պատմական մատերիալիզմի և էսթետիկայի մի շարք առանցքային պրոբլեմների վերաբերյալ և այլն:

Հիմնարկի գիտական աշխատողներն ակտիվորեն մասնակցել են բազմաթիվ համամիութենական, ինչպես նաև միջազգային կոնգրեսների, սիմպոզիումների, խորհրդակցությունների: Մեզ մոտ հյուր են եղել նաև արտասահմանյան (ԱՄՆ, Ճապոնիա, Չեխոսլովակիա, Ռումինիա, Լեհաստան) փիլիսոփաներ:

Այժմ փիլիսոփայության և իրավունքի ինստիտուտի գիտական գործունեության հիմնական ուղղություններն են.

ժամանակակից գիտության զարգացման փիլիսոփայական, մեթոդոլոգիական, սոցիոլոգիական և իրավական հարցերի կոմպլեքսային հետազոտություն, գիտական իմացության տրամաբանական վերլուծության փիլիսոփայական պրոբլեմների ուսումնասիրություն,

ժամանակակից բնագիտության փիլիսոփայական հարցերի ուսումնասիրում,

հայ փիլիսոփայական և էսթետիկական մտքի պատմության ուսումնասիրում և հայ հին մտածողների երկերի գիտական հրատարակում,

պետության և իրավունքի տեսության ու պատմության հարցերի ուսումնասիրում, ՀՍՍՀ օրենսդրության կատարելագործում:

Ինստիտուտի գիտահետազոտական այս հիմնական ուղղությունները խրախուսանքի են արժանացել ՍՍՀՄ ԳԱ փիլիսոփայության ինստիտուտի ընդլայն-

ված նիստում, ինչպես նաև սոցիալիստական երգերի փիլիսոփայության և սոցիոլոգիայի ինստիտուտների դիրեկտորների միջազգային խորհրդակցության ժամանակ, որը տեղի է ունեցել 1970 թ. հունիսին, Զակոպանեում (Լեհաստան):

ԱՐԵՎԵԼԱԳԻՏՈՒԹՅԱՆ ՍԵՆՏՈՐ

Հ. Գ. ԻՆՃԻՍՅԱՆ

*Արևելագիտության սեկտորի վարիչ,
պատմական գիտությունների թեկնածու*

Հոկտեմբերյան հեղափոխության ազդեցությամբ իր զարթոնքն ապրող, իրենց հայրենիքի ազատության ու անկախության համար պայքարող և քաղաքական ակտիվ կյանքի ուղին բռնած Արևելքի ժողովուրդները վերջին կես դարում արժանացան ոչ միայն քաղաքական ու պետական գործիչների, այլև գիտնական-արևելագետների հատուկ ուշադրությանը:

Հայաստանում սովետական կարգերի հաստատումից անմիջապես հետո, 1920 թ. բացվում է Երևանի պետական համալսարանը, որտեղ նախատեսվում էր հիմնել նաև արևելագիտության ֆակուլտետ: Սակայն արևելագիտական առարկաների դասավանդումը սկսվում է միայն 1923-ից, իսկ 1934 թ. մտցրվում է արևելքի երկրների պատմության հատուկ դասընթաց: Հետագայում՝ 1940 թ. կազմակերպվում է արևելյան լեզուների և գրականության ամբիոնը, իսկ բանասիրական ֆակուլտետի կազմում ստեղծվում է արևելյան բաժին երկու նյութով՝ պարսկերեն և արաբերեն լեզու և գրականություն: 1962 թ. մտցրվում են նաև թուրքերեն լեզուն ու գրականությունը:

Նախապատրաստական այդ միջոցառումները հնարավորություն տվեցին 1968 թ. սեպտեմբերի 1-ին բացել ինֆորմույն արևելագիտական ֆակուլտետ՝ երկու մասնագիտական ուղղություններով՝ Մերձավոր ու Միջին Արևելքի ժողովուրդների լեզու-գրականություն և պատմություն:

Կազմակերպական միջոցառումներին զուգահեռ Երևանի պետական համալսարանում կատարվում է լուրջ գիտահետազոտական և հրատարակչական աշխատանք: Լույս են տեսնում Հ. Անադյանի Արմատական բառարանը, Հայոց լեզվի պատմությունը՝ պարսկական, ասորական, արաբական, թուրքական փոխառություններին նվիրված բաժիններով, լիակատար ֆեռականությունը, որտեղ հարուստ նյութ կա իրանական և սեմական լեզուների մասին: Օտարադրյունները հայերի մասին մատենաշարով լույս են տեսնում Հ. Անադյանի աշխատությունները Ֆիրդուսու և Իբն-ի-Բատուտայի մասին: Հրատարակվում են նաև պատրաստած վավերագրերը հայ-պարսկական հարաբերությունների մասին, պարսկերեն լեզվի ձեռնարկը, պարսկական հատրնտիրը և այլ աշխատություններ:

Ակադեմիկոս Հ. Մանանդյանը լույս է ընծայում իր ֆունդամենտալ ուսումնասիրությունները՝ Հայ ժողովրդի բնական պատմություն, Հայաստանի քաղաքները և առևտուրը (կապված հին դարերում միջազգային առևտրի հետ), Ժողովրդական ապստամբությունները Հայաստանում արաբական տիրապետության դեմ, Հայաստանի պատմությունը թուրք-բաբարական արշավանքների շրջանում և այլ գործեր: Մեծ է նաև ակադեմիկոս Գ. Ղափանցյանի ներդրումը Հին Արևելքի պատմության ուսումնասիրման ասպարեզում: